

38

30. jan.

Sjóðurinn eflist með vöxtum, frjálsum framlögum, minnngargjöfum, áheitum og á hvern annan hátt, sem stjórn hans þykir henta.

5. gr.

Höfuðstól sjóðsins skal ávaxta í Söfnunarsjóði Íslands. Reikningsár hans er almanaksár, og skal reikningur hans birtur í B-deild Stjórnartíðinda.

6. gr.

Stjórn sjóðsins sér um ávöxtun á fé hans og úthlutun styrks úr honum. Skal í febrúarmánuði það ár, sem styrk skal veita, auglýsa hann til umsóknar í Menntamálum eða hverju því mál gagni, sem Samband íslenskra barnakennara gefur út, svo og í Kennaraskólanum og mál gagni Nemendasambands Kennaraskólans, ef út er gefið. Umsóknarfrestur skal vera til 10. apríl. Skal stjórnin svara umsóknum fyrir lok maímánaðar.

7. gr.

Stjórnin heldur fund í maímánuði ár hvert og oft, ef þurfa þykir. Skal hún færa fundargerðir í sérstaka bók, og öll stjórnin undirrita.

8. gr.

Þegar sjóðurinn er orðinn kr. 12 500.00 má í fyrsta skipti veita styrk úr honum. Má sá styrkur nema allt að þeirri upphæð, sem þá við áramót hefur verið umfram kr. 10 000.00. Eftir það skal jafnan leggja helming ársvaxta við höfuðstólinn, en helming vaxta, ásamt öðrum tekjum sjóðsins má stjórnin úthluta, ef hún telur ástæðu til. Þegar ekki er árlega veittur styrkur úr sjóðnum, skal geyma það fé til úthlutunar síðar, þegar stjórninni þykir henta.

9. gr.

Stofnskrá þessari má því aðeins breyta, að stjórn sjóðsins telji það óhjákvæmilegt. Og skal það þá aðeins gert með samþykki menntamálaráðuneytisins. Þó má aldrei víkja frá tilgangi sjóðsins (sjá 2. gr.).

10. gr.

Leita skal staðfestingar forseta Íslands á skipulagsskrá þessari, og skal hún birt í B-deild Stjórnartíðinda.

39

17. febr.

ÚTHLUTUNARREGLUR STEFS

— Sambands tónskálda og eigenda flutningsréttar — um úthlutun á tekjum af flutningi tónverka.

A. Almennar reglur.

- Gjöld þau, er félaginu samkvæmt lögum sínum og félagsmanna- og umboðs-samningum ber að greiða tónskáldi, útsetjara tónverks, höfundu texta við tónverk og tónverksútgefanda (þar sem í reglum þessum er getið um útgefanda, er átt við forleggjara eða útgáfufirma) fyrir flutning tónverks, þ. e. söng eða leik tónverks utan leiksýninga, leikrita eða leikverka (óperur, óperettur, pantómímur, ballett), skiptast eftir þeim reglum, sem hér fara á eftir.
- Stjórnin getur ákveðið að greiða flutningsgjald fyrir eitt og sama verk aðeins einu tónskáldi, einum útsetjara, einum textahöfundu og einum útgefanda.

3. Flutningsgjald greiðist útgefanda tónverks, hafi hann með framsali rétthafa 39 öðlazi hlutdeild í flutningsrétti þess, þegar verkið hefur á venjulegan hátt verið gefið út prentað eða, sé um stærri verk að ræða, er útgefandi hefur á annan hátt gert verkið aðgengilegt í nótnaskrift og þar með gert mögulega dreifingu þess. Hafi þetta eigi verið gert, en hafi útgefandi greitt venjuleg höfundarlaun, má að beiðni hans leggja til hliðar útgefandahlut, eigi lengur þó en tvö ár, meðan beðið er útkomu verksins. Hafi verkið eigi verið gefið út áður en þessi tími er liðinn, rennur fé það, sem lagt hefur verið til hliðar, til tónskáldsins.
4. Sé um að ræða verk, er samið hefur verið fyrir hljómkvikmynd og að venjulegu mati hentar ekki til útgáfu á prenti, greiðist útgefanda ekki flutningsgjald fyrir en verkið hefur verið gefið út í formi, sem við útgáfu er miðað. Fyrir önnur útgáfuhæf tónverk í kvikmyndinni má greiða útgefanda gjald einnig fyrir óútgefin verk, ef venjuleg þóknun hefur verið greidd fyrir hvert verk fyrir sig og að minnsta kosti eitt af verkum þeim, sem þannig eru keypt, hefur verið gefið út.
5. Þá er útgefandi hefur eignast tónútgáfuréttinn á tón-dramatisku verki, en aðeins gefið út ákveðna hluta af því, greiðist útgefanda flutningsgjald einnig fyrir óútgefna hluta verksins, enda hafi sanngjörn þóknun verið greidd fyrir tón-efnið allt og ekki sé skýrt tekið fram í útgáfusamningi að tónútgáfurétturinn sé takmarkaður við útgafu hlutana.
6. Þær upphæðir, sem telst til að greiða beri tónskáldi, útsetjara, textahöfund og útgefanda, sem aðilar eru að erlendum samtökum, sem samvinnu hafa við STEF, greiðast samtökum þeim, sem hlut eiga að máli.
7. Það, sem segir í reglum þessum um félagsmann, gildir einnig um umbjóðendur.

B. Sérstakar reglur um skiptingu á flutningsgjaldi.

1. Sem undirstöðu að greiðslu flutningsgjalda skal skrásetja flutning tónverka eftir höfuðreglum, er hér greinir.
2. Farið er eftir skýrslum þeim, sem fyrir hendi eru um flutning tónverka og skrásettur hver flutningur verksins með einingatölu, sem fer eftir tímalengd flutnings, og í ákveðnum tilfellum auk þess eftir eðli flutnings eða verks. Að því er snertir hið síðarnefnda, gilda sérstakar svo nefndar stígatöflur, sem stjórn STEFs ákveður.
3. Þeir, sem rétt eiga á flutningsgjaldi, hljóta hver um sig ákveðna tölu eininga, sem er margfeldi tölu flutninga og einingatölu þeirrar, sem um ræðir í næstu málsgrein að ofan, svo og þeirrar tölu hluta, sem tilgreind er í eftirfarandi töflu fyrir hvern um sig, tónskáld, útsetjara, textahöfund og útgefanda tónverks, sbr. A., 3. grein. Samanlögð tala þeirra hluta, sem skráðir eru við hvern flutning, má aldrei verða hærri en 12.

	Tala hluta til			
	tón- skálds	útsetj- ara	textahöfundar	útgef- anda
<i>Rétthafar til flutningsgjalds:</i>				
Tónskáld	12	0	0	0
Tónskáld og útsetjari	10	2	0	0
Tónskáld og textahöfundur	8	0	4	0
Tónskáld og útgefandi	8	0	0	4
Tónskáld, útsetjari og textahöfundur	6	2	4	0
Tónskáld, útsetjari og útgefandi	6	2	0	4
Tónskáld, textahöfundur og útgefandi	4	0	4	4
Tónskáld, útsetjari, textahöfundur og útgefandi	4	2	2	4

	Tala hluta til			
	tónskálds	útsetjara	textahöfundar	útgefanda
<i>Tónskáld óþekkt eða nýtur ekki verndar:</i>				
Einföld útsetning	0	4	0	4
Einföld útsetning og textahöfundur	0	4	4	0
Einföld útsetning og útgefandi	0	4	0	4
Einföld útsetning, textahöfundur og útgefandi .	0	4	4	4
Listræn útsetning	0	6	0	0
Listræn útsetning og textahöfundur	0	6	4	0
Listræn útsetning og útgefandi	0	6	0	4
Listræn útsetning, textahöfundur og útgefandi .	0	6	2	4

*Útsetjari og tónskáld njóta ekki verndar
eða eru ókunn:*

Textahöfundur	0	0	4	0
Textahöfundur og útgefandi	0	0	4	4

Ath. 1. Eignist útgefandi, sem félagsmaður er í STEFi, útgáfuréttinn að erlendu verki með samningi við erlendan útgefanda og sé í samningnum tekið fram, að flutningsgjald eigi bæði upphaflegi erlendi útgefandinn og hinn íslenski, er útgáfuréttinn fékk hjá honum, skulu þrír hlutar reiknast íslenzka útgefandanum, leyfi samtök þau, sem upphaflegi erlendi útgefandinn er í. Í þeim tilfallum, er tilkynntur hefur verið íslenzkur útsetjari og textahöfundur, skal reiknast einn hlutur hvorum þeirra. Samtökum upphaflega útgefandans reiknast þrír hlutir handa honum, og ekki færri en fjórir hlutir sömu samtökum til höfundar verksins. Sé ekki um að ræða íslenzkan útsetjara eða textahöfund, fellur eftir því, sem við á, einn eða tveir hlutir enn til erlendu samtakanna handa höfundi verksins.

Ath. 2. Nú lætur útgefandi, sem félagsmaður er í STEFi, af hendi við erlendan útgefanda útgáfuréttinn að verki, sem hann hefur gefið út, og má hann þá, hafi um það verið samið við tónskáldið og með því skilyrði að verkið hafi komið út í útgáfu, sem erlendi útgefandinn hefur kostað, hljóta þrjá hluti sjálfur og taka fram í útgáfusamningi að hinn erlendi útgefandi megi hljóta þrjá hluti, svo og erlendum útsetjari eða textahöfundur, ef nokkrir eru, einn hlut hvor. Af þeim hlutum, sem erlendu samtökin standa skil á, skal tónskáldið aldrei hljóta færri en fjóra.

Ath. 3. Hafi tónskáldið sjálft sett út fyrir hljóðfæraflokk, undirleik fyrir söng-, framsagnar- eða melodramatískt verk, reiknast því einnig útsetjara hlutir. Hið sama skal ávallt gilda um söngva fleiri radda, hvort sem hljóðfæraundirleikur er eða ekki, svo og að undangenginni athugun um einraddaða söngva, þegar undirleikur tónskáldsins fyrir eitt hljóðfæri hefur til að bera sjálfstæða og listræna mótun.

- Þegar lokið er öllum skráningum á reikningsári, skal leggja saman einingátölurnar í hverjum höfuðflokki um sig, svo sem fyrir flutning á opinberum tónleikum, í veitingahúsum, í útvarpi, í kvikmyndahúsum o. s. frv.
- Fjárhæð þeirri, sem til ráðstöfunar er til skiptingar, skal skipta milli höfuðflokka flutnings í hlutfalli við það, sem innheimt hefur verið fyrir hvern þeirra, og sé þá einnig tekið tillit til þess, hver munur er á þeim, varðandi kostnað við innheimtu og skiptingu. Varðandi flutning tónverka á opinberum hljómléikum skal enginn kostnaður falla á upphæðir þær, sem innheimtast. Stjórnin ákveður, með hliðsjón af því sem að ofan segir, einingargildi í hinum ýmsu flokkum. Við

- þá jöfnun á þessu einingargildi, sem stjórnin ákveður fyrir hvert reikningsár, 39
skal fyrst og fremst jafnað í hag flutningi á opinberum hljómleikum. 17. febr.
6. Ef kringumstæður leyfa, má að ákvörðun stjórnarinnar skrá flutning samkvæmt sendri viðurkenndri tónverkaskrá og gera skilagrein jafnvel í því tilfelli að flutningsgjald hafi ekki verið innheimt, vegna þess, að STEF af hugsjóna-, mannúaðar- eða öðrum ástæðum hafi veitt undanþágu frá greiðslu á flutningsgjaldinu, eða að félagsmaður hafi áður en hann gekk í félagið látið af hendi upprunalegan rétt sinn eða að gildandi lög veiti ekki stuðning til innheimtu.
 7. Heimilt er stjórninni að láta taka meðaltal af þeim skráningum flutnings, er fyrir liggja, með þeim hætti, sem talin verður fyrirhafnarminnstur og ódýrastur til afreiknings, þ. e. til dæmis eftir fyrirbyggjandi útvarpsdagskrám að viðbættri skráningu á flutningi verka, sem ekki koma fyrir í útvarpsdagskrám.
 8. Deilu um það, hversu skilja beri eða beita þessum reglum um skiptingu, skal fara með og ráða til lykta eftir reglum 5. greinar samþykktu STEFs.

Með tilvísun til löggildingarbréfs STEFs, dags. 2. febr. 1949, staðfestast ofangreindar úthlutunarreglur hér með.

Menntamálaráðuneytið, 17. febrúar 1953.

Björn Ólafsson.

Birgir Thorlacius.

Fylgiskjal.

STIGATAFLA STEFs

Einingafjöldi
fyrir hverja
mínútu:

Fyrsti flokkur. Alþýðutónlist (skemmtilög).

- A. Alþýðulög, svo sem harmonikulög og önnur alþýðulög fyrir eitt hljóðfæri, mandolin eða gítar og álika alþýðuhljóðfæri án söngs, svo og óraddsettur söngur alþýðulaga (án undirleiks) í samsöng eða einsöng 1
- B. Samkvæmisdanslög á samkvæmisdansleikjum fyrir eitt hljóðfæri með söngviðlagi eða án viðlaga 2
- C. Samkvæmisdanslög á skemmtidagskrám (kvöldskemmtunum, fjölleikasýningum og álika samkomum) sungin með undirleik eins hljóðfæris eða leikin af allt að fimm manna hljómsveit 3
- D. Skemmtilög fyrir stærri hljómsveitir með söng eða án söngs, lög úr óperettum, syrpur og álika skemmtilög 4

Annar flokkur. Æðri tónlist (hljómleikaverk).

- A. Söngvar með undirleik eins hljóðfæris (t. d. píanó eða orgel), stutt kórsöngslög án sjálfstæðs undirleiks, nema eins hljóðfæris til stuðnings söng-raddanna án sjálfstæðrar tónsamningar fyrir hljóðfærið, einleikslög (t. d. fyrir píanó, fiðlu og álika hljóðfæri) með ósjálfstæðum undirleik eins hljóðfæris eða án undirleiks, einnig flokkar slíkra laga, svo og hljómplötulög úr óperum og óperettum 8
- B. Kórsönglög með sjálfstæðum undirleik eins eða nokkurra hljóðfæra, danssýningarlög og sjónleikalög fyrir litla hljómsveit, einsönglög með hljómsveit, lög, lagaflokkar og syrpur fyrir litla hljómsveit 16
- C. Sinfonísk tónverk og sinfonísk kórverk með stórra hljómsveit, sinfoníur, hljómsveitarforleikir, konsertar með undirleik hljómsveitar, óperuverk í frumbúningi, lagaflokkar og tilbrigði fyrir sinfoníska hljómsveit 24

39 Fyrir eiginlega stofutónlist (kammermusik), sönötur, tvíleiki, þríleiki,
17. febr. kvartetta, kvintetta o. s. frv. greiðist samkv. flokki C hálfur einingafjöldi.

Aths. Fyrir flutning verka úr II. flokki B og C í útsetningum fyrir minni hljómsveitir allt að skálahljómsveit (Salonorchester) eða fyrir blásturshljómsveit greiðist hálfur einingafjöldi samkvæmt flokki B og C.

40
27. febr.

SKRÁ

um nöfn á nýbýlum og breytingar á bæjanöfnum.

Í skrá þeirri, sem hér fer á eftir, og birt er samkvæmt fyrirmælum 7. gr. laga nr. 51/1937, um bæjanöfn o. fl., eru talin nöfn býla, utan kaupstaða, sem hlotið hafa staðfesting ráðuneytisins á árinu 1952:

1. Kjósarsýsla.

A. Nýbýli:

Nafn:	Úr landi:	
Dalland	Miðdals	Mosfellshreppi
Hjalli	Eyja	Kjósarhreppi

2. Borgarfjarðarsýsla.

A. Nýbýli:

Nafn:	Úr landi:	
Árbakki	Þingness	Andakílshreppi
Lyngholt	Lækjar	Leirár- og Melahreppi

3. Mýrasýsla.

A. Nýbýli:

Nafn:	Úr landi:	
Brautarholt	Hamars	Borgarneshreppi
Laufskálar	Brúarreykja	Stafholtstungnahreppi
Sveinsstaðir	Vogalækjar	Álftaneshreppi

4. Hnappadalssýsla.

A. Nýbýli:

Nafn:	Úr landi:	
Dalur II	Dals	Miklaholtshreppi
Hrisdalur II	Hrisdals	Miklaholtshreppi
Hvammur	Hjarðarfells	Miklaholtshreppi
Miðhraun II	Miðhrauns	Miklaholtshreppi

5. Dalasýsla.

A. Nýbýli:

Nafn:	Úr landi:	
Brautarholt II	Brautarholts	Haukadalshreppi
Skarð II	Skarðs	Skarðshreppi